

# Powšitkowne WOZJEWJENJA

njedźelu, 3. junija 2012

## **Přidatna Boža mša na Bože ćěło**

Na swjedženju Božeho ćěła, štwórtk, 7. junija, budže w Róžeńčanskej swjatnicy w 19 hodź. přidatna Boža mša. Na nju su wšitcy ći přeprošeni, kotřiž so dopołdnja wobdźělic njemóža.

## **Nyšpory w Róžeńće dale w 17 hodź.**

W Róžeńčanskej swjatnicy budžeja njedźelne nyšpory – kaž w meji – dale w 17 hodź. Wěriwi, kotřiž w Róžeńće nyšpory wopytuja, njech to prošu wobkedźbuj.

## **Wopomnjenje zbóžnoprajenja**

Srjedu, 13. junija, budže lěto, zo bu měšnik a martrar Alojs Andricki w Drježdžanach zbóžnoprajeni. Na wopom njenje tutoho wurjadneho swjedženja budže w Radworju w 19 hodź. Boža mša. Radworska wosada wšitkich wutrobnje přeprošuje.

## **Termin koparskeho turněra ministrantow změnjeny**

Ministranća ze wšitkich serbskich wosadow su na koparski turněr sobotu, 7. julija, do Pěskec přeprošeni. Započatk je w 9 hodź. z Božej mšu we wjesnej kapalce.

## **Koparski turněr dekanatneje młodžiny**

Lětuši koparski turněr serbskeje dekanatneje młodžiny budže sobotu, 14. julija, w Pěskecach. Dalše so hišće wozjewi.

## **Pěši do Częstochowy**

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěť. Termin putnikowanja je wot 5. do 15. awgusta. Zajimcy njech so přizjewja hač do njedźele, 1. julija, pola fararja Bena Jakubaša w Njebjelčicach, telefonowe čisło (0 35 78) 30 20 05.

## **W Radworju pytaja kubłarku**

Katolska wosada Marije kralowny w Radworju pyta za swój Katolski serbski džěcacy dom Alojs Andricki k 1. septembrej 2012 kublarja abo kubłarku z džělowym wobłukom 30 hodźin wob tydžeń. Powołanske wuměnenje je wotzamknjenje jako statnje připóznaty/a kublar/ka abo socialny/a pedagoga/pedagowowka kaž tež po móžnosći diplom w montessorijowej pedagogice (njeje pak wuměnenje). Pisomne požadanja njech pósćelu zajimowani na tule adresu: Katolski serbski džěcacy Štóz ma prašenja, njech wobroći so na wjednicu Móniku Bukowu, telefonowe čisło (03 59 35) 2 07 17 abo pisomnje přez mailku na [Andritzki.Kinderhaus@t-online.de](mailto:Andritzki.Kinderhaus@t-online.de).

## **Swobodne džěłowe městno w Smječkecach**

Dom swjateho Jana w Smječkecach pyta chorobnu sotru respektiwne hladarja chorych abo kubłarku respektiwne pedagoga z wotpowědnej kwalifikaciju za džěło pola duchownje zbrašenych a z nazhonjenjemi w nawjedowanju personala kaž tež w spěchowanju zbrašenych. Wodźaca pozicija ma so hač do 1. septembra wobsadzić. Požadanja přijima nawoda domu Tadej Šiman, telefonowe čisło (03 57 96) 88 61 31.